

## გ ი ლ ო ც ა ვ თ !



გილოცავთ ახალი წლის შემობრძანებას! მშვიდობის, სიკეთისა და სიყვარულის მომტანი ყოფილიყოს 2019 წელი თქვენთვის და თქვენი ოჯახებისთვის! მინდა, თითოეულ თქვენგანს გულთადად მოგილოცოთ ეს დღესასწაული!

გასული, 2018 წელი მნიშვნელოვანი იყო ჩვენი ქვეყნისთვის, ეს იყო ისტორიული წელი, რომელმაც კიდევ უფრო დაგვაახლოვა ევროპასთან, კიდევ უფრო დაგვაახლოვა იმ მიზანთან, საითკენაც საუკუნეების მანძილზე ისწრაფოდნენ ჩვენი დიდი წინაპრები და ვისწრაფვით ჩვენც! მე კარგად მესმის, რომ ბევრი ადამიანი ახალ წელს გაჭირვებაში ხვდება. ვისურვებდი, რომ 2019 წელი მათთვის წინსვლისა და გაძლიერების წელი ყოფილიყოს! მე მჯერა, რომ ეს ასეც იქნება. მინდა, ამ ადამიანებს განსაკუთრებულად მიულოცოთ ახალი წელი.

ახლსინთავია, რომ 2018 წელს, ახალმა პროგრამებმა, რომლებიც სოციალური მომსახურების, ჯანდაცვისა და მოქალაქეების მიერ შერჩეული სხვა პროგრამების მიმართულებით განვხორციელეთ, საშუალება მოგვცა, ჩვენი თანამოქალაქეების ცხოვრების დონე და პირობები, წინა წლებთან შედარებით, გაგვეუმჯობესებინა. წამოგვეწყო სამომავლო პროექტები, რომელთა მეშვეობითაც, ჩვენი ქვეყანა და ქალაქები, ძალიან მალე ინფრასტრუქტურული თვალსაზრისით უფრო მეტად განვითარებული და კეთილმოწყობილი იქნება.

ჩვენი მუნიციპალიტეტი უფრო საინტერესო ხდება ტურისტული თვალსაზრისითაც! ეს ყველაფერი დადებითად აისახება ქვეყნის ეკონომიკაზე და მე მჯერა, ის თანამოქალაქეები, რომლებმაც ქვეყანა სხვადასხვა მიზეზების გამო დატოვეს, დაუბრუნდებიან მშობლიურ ქვეყანას, მშობლიურ ქალაქს.

გისურვებთ ისეთ ქვეყანაში ცხოვრებას, სადაც ყველა თქვენი იდეის განხორციელება შესაძლებელი იქნება, სადაც ყველანი გავფურთხობდებით არსებულს და, ამავე დროს, საკუთარი ხელით შექმნით ჩვენს მომავალს; სადაც ყველა გვაკეთებთ ჩვენს საყვარელ საქმეს და ყველას შეგვეძლება, ჩვენი ცოდნით და გამოცდილებით ვემსახუროთ ჩვენს საყვარელ ქვეყანას, ჩვენს სამშობლოს. ჩვენ სწორედ ასეთ საქართველოს ვაძინებთ.

კიდევ ერთხელ გილოცავთ ყველას ახალ, 2019 წელს! გისურვებთ ბედნიერებას, ჯანმრთელობას, მშვიდობას, დღეგრძელობასა და კეთილდღეობას!

**პატივისცემით, ირაკლი შიოლაშვილი, საქართველოს პარლამენტის წევრი.**



ჩემო თანამოქალაქეებო, გილოცავთ დამდეგ 2019 წელს.

დამეთანხმებით, წელს ჩვენ ყველამ ერთად ბევრი სასიკეთო საქმის გაკეთება შევძელით, ჩვენი სამშობლოსა და მშობლიური მხარისთვის. გისურვებთ, რომ მომავალი წელი კიდევ უფრო ბედნიერი და სიკეთის მომტანი ყოფილიყოს ჩვენი ქვეყნისთვის, ოჯახებისთვის და თითოეული ჩვენგანისთვის.

ძალიან მალე ჩვენ უფლის შობასაც ვიზეიმებთ. ადამიანთა მოდგმის გამოსახსნელად განკაცებული მაცხოვრის მფარველობა არ მოკლებოდეთ, ძვირფასო მეგობრებო. გულთადად გილოცავთ ამ ორ უდიდეს დღესასწაულს. ბარაქა, სიხარული, სიყვარული, გამრავლება და გახარება გქონოდეთ.

**პატივისცემით, ნუზურ პაპიაშვილი, დედოფლისწყაროს მუნიციპალიტეტის საკრებულოს თავმჯდომარე.**



მოგესალმებით, მეგობრებო, გილოცავთ დამდეგ შობა-ახალ წელს. გისურვებთ, რომ 2019 წელი თითოეული ჩვენგანისთვის იყოს სხვათა, ბარაქის, სიკეთისა და სიხარულის მომტანი.

გასული წელი ძალიან მნიშვნელოვანი იყო ჩვენი ქვეყნისა და მუნიციპალიტეტისათვის. თითოეული თქვენგანის გვერდში დგომით შევძელით და განვხორციელეთ არაერთი სასიკეთო პროექტი. ასევე, გასულ წლებთან შედარებით, დღეს უფრო ნაკლებ დედოფლისწყაროსს ანუხებებს მოუწესრიგებელი საგზაო ინფრასტრუქტურა და ლამით ჩაბნელებული ქუჩები, დღეს უფრო მეტ ჩვენს თანამოქალაქეს შეუძლია ისარგებლოს სკვერებით, საბავშვო ატრაქციონებით, დასასვენებელი პარკებით, სპორტული მოედნებითა და დარბაზებით...

აქვე არ შემიძლია არ აღვნიშნო ქედების ზონის გაზიფიცირებაც, რომლის სამუშაოებიც აქტიურ ფაზაშია. ესაა, მართლაც, სამვილიშვილო პროექტი და ამაყი ვარ, რომ სწორედ ამ ხელისუფლების პირობებში ასეთი მნიშვნელობისა და მასშტაბის სამუშაოები ხორციელდება. მისი დასრულების შემდეგ მთელი დედოფლისწყარო იქნება გაზიფიცირებული და ბუნებრივი აირი ფუფუნება აღარ იქნება.

წელს მნიშვნელოვანი ნაბიჯები გადაიდგა სოციალური პაკეტის გასაუმჯობესებლად. საკრებულოსთან ერთად ჩვენ შევძელით ის, რომ მუნიციპალიტეტის ბიუჯეტიდან დღეს გაცილებით მეტი ადამიანი იყენებს სოციალურ შეღავათებს, ვიდრე გასულ წლებში. 2019 წლიდან უკვე დაგეგმეთ რამდენიმე ცვლილება, რომლებსაც უტაპობრივად განვხორციელებთ და სოციალური პროგრამა კიდევ უფრო მოქნილი და მოსახერხებელი გახდება.

ზრუნვა საბავშვო ბაღებზე გრძელდება და ყოველწლიურად ვაუმჯობესებთ პირობებს. ეს ეხება როგორც გარემო პირობების გაუმჯობესებას, ასევე მათ კვებას თუ აღმზრდელ-მედიკოსების შრომის ანაზღაურებას. შეგვიძლია თამამად განვაცხადოთ, რომ კახეთის რეგიონში ვართ პირველები, რადგან ბავშვებისთვის ყველაზე საუკეთესო პირობები სწორედ ჩვენს მუნიციპალიტეტშია შექმნილი. დედოფლისწყაროს 17-ივე ბაღში შექმნილია სათანადო პირობები, ყველგან გაკეთებულია რემონტი, კეთილმოწყობილია ეზო ბავშვთა გასართობი ატრაქციონებით. ჩვენ გადავდივართ განვითარების ახალ ეტაპზე - სოფელ არხილოს კალოში, სადაც ბავშვთა რაოდენობის ზრდამ გამოიწვია ის, რომ არსებული ბაღის შენობა, რომელიც თანამედროვე სტანდარტებს კი აკმაყოფილებდა, მაგრამ აღსაზრდელთა კონტიგენტის ზრდამ მისი პატარა ფართის გაზრდის აუცილებლობა გამოიწვია, წელს ხორციელდება ახალი ბაღის მშენებლობა, რომელიც წლის ბოლომდე დასრულდება და ზამთრის არდადეგების შემდეგ, ბავშვები უფრო კომფორტულ გარემოში შევლენ.

ჩვენ ვზრუნავთ არა მხოლოდ ქალაქზე, არამედ თითოეულ სოფელსა და დასახლებაზე. ამიტომაც ჩვენი პროექტები ერთნაირი წარმატებით ხორციელდება ყველგან, მთელი მუნიციპალიტეტის მასშტაბით. გპირდებით, რომ არ გაფრთხილდებით, ვაგაკეთებთ მაქსიმუმს, რომ თითოეულმა თქვენგანმა და თქვენმა შვილებმა, ჩვენმა შვილებმა, იცხოვრონ უკეთეს ქვეყანაში, უკეთეს სოფელში, უკეთეს ჯანბაში...

ეს წელი წარმატებული იყო დედოფლისწყაროელი სპორტსმენებისთვისაც. გვასახელებს ჩვენმა კიკ-ბოქსინგის, ქართული ჭიდაობისა და უშუს ნაკრებებმა, მსოფლიო ჩემპიონთა ლაშა ბექაურიც...

2018 წელი გამორჩეული იყო ასევე იმითაც, რომ საქართველოს მოსახლეობამ, პირდაპირი არჩევნების გზით, ბოლოჯერ აირჩია პრეზიდენტი. მეამაყება, რომ დედოფლისწყაროელებმა ორივე ტურში ღირსეული და ქვეყნისათვის სასარგებლო არჩევანი გააკეთეს. კიდევ ერთხელ მადლობა თქვენ ნდობისთვის და მხარდაჭერისთვის. ჩვენს პირველ ქალ პრეზიდენტს კი წარმატებებს ვუსურვებ. მჯერა, რომ მისი დიპლომატიური გამოცდილება და გავლენები დიდ როლს შეასრულებს ჩვენი ქვეყნის წინსვლაში.

კიდევ ერთხელ გილოცავთ დამდეგ შობა-ახალ წელს, იმედების გამართლების, ოცნებების ახდენისა და გახარების წელი ყოფილიყოს დამდეგი 2019 წელი.

**პატივისცემით, ნიკოლოზ ჯანიაშვილი, დედოფლისწყაროს მუნიციპალიტეტის მერი**

**ხორნაბუჯისა და ჰერეთის ეპისკოპოსი დიმიტრი (კახანაძე)**

**დედოფლისწყარო - სიფრაზი**

ახალშობილი — 183  
ტურისტები — 12 404  
ხანძარი — 269

**გვ. 3**

**წლის სპორტსმენები**  
**ლაშა ბაქაური ლავან ნიკლაური**

**გვ. 8**

**გვ. 3**











# მოსახლეობის სოციალური დაცვა მნიშვნელოვანია

მოსახლეობის სოციალური პირობების გაუმჯობესება „ქართული ოცნების“ ხელი-სუფლების უმნიშვნელოვანესი პრიორიტეტი. საყოველთაო ჯანდაცვის პროგრამის შემოღების შემდეგ, 2013 წლიდან, საქართველოში ჯანდაცვის ბიუჯეტი 2,5 ჯერ გაიზარდა, რამაც ჯანდაცვის მომსახურების ხელმისაწვდომობა ფუნდამენტურად გაზარდა. დედოფლისწყაროს მუნიციპალიტეტში, მხოლოდ 2016 წელს, საყოველთაო ჯანდაცვის პროგრამით 3 014 -მა ბენეფიციარმა ისარგებლა, რაზეც 734 ათას ლარზე მეტი დაიხარჯა. 2018 წელს, 2017 წელთან შედარებით, 676,5 ათასიდან 701 ათას ლარამდე გაიზარდა დედოფლისწყაროს მუნიციპალიტეტის ჯანდაცვისა და სოციალური უზრუნველყოფის ადგილობრივი ბიუჯეტი. დედოფლისწყაროში აშენდა თანამედროვე სტანდარტების შესაბამისი ახალი საავადმყოფო, რომელიც უახლესი და ძვირადღირებული სამედიცინო აპარატურით აღიჭურვა; წელისა და რამდენჯერმე, ადგილობრივი ხელისუფლების მხარდაჭერით, გამოცდილ ექიმთა ბრიგადა უფასო სამედიცინო კონსულტაციებს მართავს. ასევე, თვალის მიკროქირურგიის ჯავრიშვილის კლინიკა „ოფთალმიჯის“ მობილური ჯგუფი დედოფლისწყაროს მუნიციპალიტეტში გამოკვლევებსა და ოპერაციებს ატარებს. სამედიცინო მომსახურება საყოველთაო ჯანმრთელობის დაცვის სახელმწიფო პროგრამების ფარგლებში ხორციელდება.

ამ საკითხთან დაკავშირებით გაზეთი „შირაქი“ ესტუმრა დედოფლისწყაროს მუნიციპალიტეტის მერიის ჯანდაცვისა და სოციალური სამსახურის უფროსს დ.ო.დ.ო. ნ.უ.ნ.ა.შ.პ.ი.ლ.ს.

**როგორ შეაფასებდით 2018 წლის სოციალურ აქტივობებს, რა ღონისძიებები გატარდა ამ წელს?**

ჩვენ გვაქვს ყოველწლიურად მზარდი სტატისტიკა, ეს ეხება მოქალაქეთა მომართვიანობას და ჩვენს მიერ სოციალურ პაკეტში განთავსებული ბენეფიციართა რაოდენობას. რა იგულისხმება ამაში? ყოველწლიურად ჩვენ ვახორციელებთ ისეთ ღონისძიებებს, რომელიც ჩვენი მოქალაქეების სოციალურ ფონს ამსუბუქებს. 2018 წელს ჩვენ დავამატეთ აუტიზმისა და დაუნის სინდრომის მქონე ბავშვთა ერთჯერადი დახმარებები. ეს წინა წლებში არ გვქონდა და საჭიროებებიდან გამომდინარე მივიღეთ გადაწყვეტილება, რომ ასეთ ბავშვებს მართლა ესაჭიროებათ ადგილობრივი მუნიციპალიტეტის მხარდაჭერა და გვერდში დგომა. ამიტომ, საკრებულოს გა-

დანევებით, მოხდა ჩვენს სოციალურ პაკეტში ერთი ასეთი პუნქტის დამატება, ეს არის დახმარება 500 ლარის ოდენობით. ამ თანხას ვურიცხავთ მათ შობლებს ან-გარიშზე. ეს ერთჯერადი თანხა გამოყოფილია მათი საჭიროებისამებრ გამოსაყენებლად. მუნიციპალიტეტს რაც შეუძლია, მაქსიმალურად გვერდში უდგას ასეთ ბავშვებს. ჩვენ, წლებია, გვაქვს ელექტროენერჯიასა და ბუნებრივ აირზე დახმარება განსაზღვრულ ბენეფიციარებზე. ესენი არიან: მკვეთრად შეზღუდული შესაძლებლობის მქონე ოჯახები, მარტოხელა დედები, მრავალშვილიანი ოჯახები, მეორე მსოფლიო ომის ვეტერანთა ოჯახები, საქართველოს ტერიტორიული მთლიანობისათვის ბრძოლაში გარდაცვლილთა ოჯახები. ჩვენ მათ ვაძლევდით ყოველთვე 13 და 17 ლარს, ბუნებრივი აირის ან ელექტროენერჯიის საფასურის გადასხდელად, 2018 წელს ჩვენ მივიღეთ გადაწყვეტილება და ეს თანხები გავზარდეთ 18-ისა და 22 ლარის ოდენობით. რაც შეეხება სხვა მიზნობრივ ჯგუფებს, ჩვენ მთელი წლის განმავლობაში ვიღებთ მოქალაქეთა განცხადებებს. 2018 წლის საბოლოო შედეგები ჯერ არ არის დადებული, მაგრამ სავარაუდო მონაცემები უკვე ვიცით, მთლიანად შემოსულია 1740 განცხადება, აქედან 800 განცხადება არის ზამთრის სეზონზე გათბობის ხარჯით უზრუნველყოფის მიზნით დაფინანსების შესახებ. აქაც გათვალისწინებული გვაქვს კონკრეტულად მიზნობრივი ჯგუფები, ძირითადად, ისევ ზემოთ აღნიშნული კატეგორიები. დანარჩენი 940 განცხადება მიღებული გვაქვს, თუკი სხვა რაიმე ბენეფიტი დავგროვებ ჩვენს სოციალურ პაკეტში. ეს განცხადებები განისაზღვრება სტაციონარული მომსახურების დაფინანსების კუთხით, ახალშობილებზე, ჰემოდიალიზზე, ტერიტორიული მთლიანობისათვის ბრძოლაში გარდაცვლილების ოჯახებზე, ვეტერანებზე, უპატრონო მიცვალებულებზე, ბინის ქირებზე, მრავალშვილიანი ოჯახებზე, აუტიზმისა და დაუნის სინდრომის მქონე ბავშვთა ოჯახებზე, ელექტროენერჯიასა და ბუნებრივ აირზე. გვაქვს კიდევ ახალშობილთა ოჯახების წამახალისებელი ღონისძიება - ყველა შვილზე ერთჯერადად

სამასი ლარის ოდენობით. ჰემოდიალიზზე მყოფ მოქალაქეებს ყოველთვიურად ვაძლევთ 100 ლარს. გვაქვს ერთჯერადი დახმარებებიც ტერიტორიული მთლიანობისათვის მებრძოლთა ოჯახებისათვის, მათ ერთჯერადად ვაძლევთ 1000 ლარს. კიდევ გვაქვს მრავალშვილიანი ოჯახების ერთჯერადი დახმარება, ეს დახმარება გულისხმობს 4 და 4-ზე მეტი შვილის ყოლას. მინდა გითხრათ, რომ როდესაც ადამიანი შემოდის და მე შემიძლია მისი დახმარება, სისხარულით მეცხრე ცაზე ვარ. გავიკეთებია ისეთი რაღაცეები, რაც ჩვენც გვიხარია და ადგილობრივ მოსახლეობასაც ვახარებთ. ჩვენ ძალიან მჭიდრო ურთიერ-

მდგომარეობა. ჩვენი მუნიციპალიტეტიდან ფინანსდება ა(ა)იპ სათნოების სახლი, სადაც იკვებება ყოველწლიურად 250 ბენეფიციარი. იკვებება ძალიან ხარისხიანი პროდუქტით და ყოველ წელიწადს საახალწლოდ იღებენ საჩუქრებს. ეს ჩვენი მუნიციპალიტეტის მხრიდან არის ძალიან დიდი მხარდაჭერა, ვინაიდან გვყავს ისეთი ბენეფიციარები, ვისაც ჩვენი გვერდში დგომა სჭირდებათ. ისინი კვირაში ექვსი დღე იკვებებიან.

**გაზეთი „შირაქი“ ესტუმრა სათნოების სახლს, სადაც საახალწლო საჩუქრების გასაცემის პროცესს დაესწრო და იქვე გაესაუბრა ბენეფიციარებს.**

**ლალი ფაშვანიშვილი:** რაც სათნოების სახლი დაარსდა, მე მიმიღეს და დავდივარ იმის მერე, ძალიან კმაყოფილი ვარ და გახარებული ვარ საჩუქრებით.

**ნინა ყორიაშვილი:** ყველაფრისთვის დიდი მადლობა, მოხუცების დაფასებისათვის, ღმერთმა სიკეთე მოგვცეთ და ჩემი წლოვნებისა გაგხადოთ, აპრილში 94 წლის ვხდები. ჩემი ენერჯია და ხალისი გქონდეთ.

**მარინა ჯანიაშვილი:** - დიდ მადლობას მოგიხდით ყურადღებისთვის, დიდი მადლობა ჩვენს მერს ნიკა ჯანიაშვილს, შეხედეთ, როგორი ოთახი გვაქვს, ლამაზი, თბილი. საქმელიც კარგი გვაქვს, ახალი ხორცი და სხვა.

**დედოფლისწყაროს მუნიციპალიტეტის მერი ნიკოლოზ ჯანიაშვილი** და საკრებულოს თავმჯდომარე ნუგზარ პაპიაშვილი ეწვივნენ სათნოების სახლს. მუნიციპალიტეტის ხელმძღვანელებმა ბენეფიციარებს დამდეგი შობა-ახალი წელი მიულოცეს და საახალწლო ნობათი გადასცეს.

**ნიკოლოზ ჯანიაშვილი:** — ეს არის ტრადიციული აქცია, ყოველ ახალ წელს და აღდგომის მოახლოებას ჩვენს ბენეფიციარებს ვულოცავთ-ხოლო და მიხარია ძალიან, რომ ხალხმრავლობაა. ვცდილობთ, რომ ცხოვრება გაგულამაზოთ მცირედი საჩუქრებით. სათნოების სახლის ყველა ბენეფიციარს მინდა მივულოცო დამდეგი შობა-ახალი წელი და, პირველ რიგში, ჯანმრთელობა, ხვავი და ბარაქა ვუსურვო. აქვე ვისარგებლებ შემთხვევით და ჩვენი მუნიციპალიტეტის ყველა მაცხოვრებელს მივულოცავ ახალი - 2019 წლის მობრძანებას.

ინესა აბგარიანი

## სარეაბილიტაციო სოციალურად დაუცველებს



ნათელი ჯვრის საზოგადოებისა და დედოფლისწყაროს მუნიციპალიტეტის მერიის ერთობლივი საქველმოქმედო პროექტის ფარგლებში, სოციალურად დაუცველ მრავალშვილიან და არასრულწლოვანი შშმ პირების ოჯახებს საკვები პროდუქტები გადაეცათ. საჩუქრები ქ. დედოფლისწყაროში მცხოვრებ მოქალაქეებს დედოფლისწყაროს მუნიციპალიტეტის მერმა ნიკოლოზ ჯანიაშვილმა მერიის თანამშრომლებთან ერთად სახლში პირადად მიუტანა და დამდეგი შობა -ახალი წელი მიულოცა. საქველმოქმედო აქციით გათვალისწინებულ საკვებ პროდუქტებს დედოფლისწყაროს მუნიციპალიტეტის ტერიტორიაზე რეგისტრირებული ყველა სოციალურად დაუცველი მრავალშვილიანი და არასრულწლოვანი შშმ პირის ოჯახი მიიღებს.



## ახალგაზრდობა — იმედი ხვალის

დიდი ყურადღება ექცევა სპორტისა და ახალგაზრდობის განვითარებას. განხორციელდა კულტურის ობიექტების მშენებლობა-რეაბილიტაციის პროექტები: ქალაქ დედოფლისწყაროს ცენტრში, კინოსტუდია „ქართული ფილმისგან“ გამოსიციდეს კინოთეატრის შენობა, რომლის რეაბილიტაციის შედეგად მუნიციპალიტეტმა მიიღო თანამედროვე სტანდარტების შესაბამისი სპორტის ცენტრი. როგორც დედოფლისწყაროს მუნიციპალიტეტის სპორტისა და ახალგაზრდობის ცენტრის ხელმძღვანელმა აკაკი ნატროშვილმა განაცხადა, 2018 წელი ძალიან დატვირთული იყო სპორტული მოვლენებითა და ახალგაზრდული ღონისძიებებით.

„ქართული ოცნების“ ხელისუფლებაში მოსვლის შემდეგ, მუნიციპალიტეტში არაერთი სპორტული ობიექტი აშენდა და რეაბილიტირდა. ქალაქ დედოფლისწყაროსა და მუნიციპალიტეტის სოფლებში მინი სპორტული მოედნები მოეწყო.

არხილოსკალოში დახურული საჭიდაო არენა მოეწყო, რომელმაც უკვე უმასპინძლა რამდენიმე მნიშვნელოვან ტურნირს. დედოფლისწყაროელი ახალგაზრდები აქტიურად არიან ჩართულნი მუნიციპალიტეტის სპორტულ თუ კულტურულ ღონისძიებებში, მათ ნებისმიერ წამოწყებას მხარს უჭერს ადგილობრივი ხელისუფლება. ლელა ბილიაშვილი, სპორტისა და ახალგაზრდობის ცენტრის სპეციალისტი: „წელს ახალგაზრდების ჩართულობით უამრავი საინტერესო ღონისძიება ჩატარდა.“

**2018 წელი**

ყველაზე მეტად კი გამოვარჩევი „ახალგაზრდული ცენტრის“ პროექტს, რომელიც „შექს ეპერმა“ დააფინანსა და რომლის საზეიმო გახსნაც 2019 წელს მოხდება. ეს იქნება ცენტრი, სადაც ახალგაზრდები შეიკრიბებიან, ისაუბრებენ და ნებისმიერი წამოწყების ორგანიზებასაც თავად მოახდენენ“.

# სახალწლო განწყობა დედოფლისწყაროში 2019

ტრადიციულად, წინასახალწლო დღეებში კულტურის სახლმა სცენაზე საშობაო ზღაპარი წარმოადგინა. ტრადიციულმა ქართულმა თოვლის პაპამ და ზღაპრის გმირებმა პატარები ძალზე გაახარა. დედოფლისწყაროს მუნიციპალიტეტის მერი ნიკოლოზ ჯანიაშვილი დედოფლისწყაროს კულტურის სახლში გამართულ საახალწლო ღონისძიებას დაესწრო.



ქ. დედოფლისწყაროს ცენტრალურ მოედანზე, მთავარ ნაძვისხესთან 30 დეკემბერს საახალწლო გალა-კონცერტი გაიმართა. ღია ცის ქვეშ შეკრებილი დედოფლისწყაროელების საახალწლო განწყობაზე ჯგუფმა „ბანმა“, თიკა ჯამბურამ, მარიკა თხელიძემ და სალამოს ნამყვანმა თამუნა გომართელმა იზრუნეს, რომელთაც სადღესასწაულო მხიარულების შემოსატანად ენერჯია არ დაიშურეს. სიცივის მიუხედავად, ახალგაზრდების ნაწილი მუსიკის რიტმებს აჰყვა და დაბალ ტემპრატურასთან გამკლავება ცეკვით სცადა.

ღონისძიებაზე დედოფლისწყაროს მუნიციპალიტეტის მერმა, ნიკოლოზ ჯანიაშვილმა მასურებელს სიტყვით მიმართა და დამდეგი 2019 წელი მიულოცა. „ამ მოედანზე საახალწლოდ გამოსული უფრო მეტი მასურებელიც გვახსოვს, მაგრამ, ეტყობა სიცივემ შეგვაშინა... მაგრამ მოდით მაინც ყველამ ერთად, ერთიანი შექაბილით ყველამ ერთად მივულოცოთ დედოფლისწყაროს 2019 წელი. გილოცავთ, მეგობრებო!.. ჯანმრთელობის, ბედნიერების, სხვათა, ბარაქის და ყველაფრის საუკეთესოს მომტანი ყოფილიყოს როგორც ჩვენი მუნიციპალიტეტისთვის, ისე მთელი საქართველოსთვის,“ – აღნიშნა მერმა. საღამო გრანდიოზული ფიერვერკით დასრულდა.

კონცერტში ადგილობრივი საბავშვო ანსამბლები და შემსრულებლები მონაწილეობდნენ. დამსწრე საზოგადოებას სიტყვით მიმართეს და დამდეგი შობა-ახალი წელი მიულოცეს დედოფლისწყაროს მუნიციპალიტეტის მერმა ნიკოლოზ ჯანიაშვილმა და კულტურისა და სპორტის ცენტრის ხელმძღვანელმა ნონა ჯიბლაშვილმა.



## წლის სპორტსმენები — ლაშა ბექაური (ჭიდაობა); ლევან ნიკლაური (კრივი)



გაზეთ „შირაქის“ რედაქცია ტრადიციას არ ლაღატობს და წარმატებული ადამიანების გამოვლენას განაგრძობს. 2018 წლის სპორტული ცხოვრების ანალიზის შედეგად წლის საუკეთესო სპორტსმენებს ვასახელებთ. ახალგაზრდა არხილოსკალოელი სპორტსმენისთვის **ლაშა ბექაურისთვის 2018** წელიც წარმატებული აღმოჩნდა. ის კიდევ ერთხელ გახდა მსოფლიო ჩემპიონი, ამჯერად ბაჰამის კუნძულებზე. ერთი წლით ადრე ის მსოფლიო ჩემპიონი ჩილეშიც გახდა. თუმცა, წინა წლისგან განსხვავებით ლაშამ წარმატებები ამჯერად უფროსი ასაკის კატეგორიაში მიაღწია. „შირაქის“ კითხვაზე, დასახელოს მისთვის საუკეთესო წელი, მისი პასუხია — 2018. „ამ წელს უფრო წარმატებულად მივიჩნევ, რადგან ახლა უფროსი ასაკის კატეგორიაში ვასპარუზობდი. ალბათ ამ კატეგორიასა და წონაში გადასვლას თავისი ემოციაც ახლდა და რაკი პირველი წელი იყო, ამიტომ კიდევ უფრო კმაყოფილი ვარ. ეს წელი დაუფინსარი იქნება იმიტომ, რომ ბაჰამის კუნძულზე სასურველი შედეგი დავდე. თანაც, ყველა იმ ქვეყანაში უკვე ვიყავი, რომელზეც ვოცნებობდი. ზაფხულის ცხელი დღეები წარმოუდგენლად ლამაზი იქნა მისი საწარმოზე გაგზავრა, რამაც ჩემი გამარჯვება კიდევ უფრო შთამბეჭდავი გახადა. ამერიიდან სხვა საფეხურზე გადავიდი და უკვე დიდებში ვიასპარუზებ“, — აღნიშნავს ლაშა ბექაური.

ის წლის საუკეთესო სპორტსმენების დავილდოებაზე თბილისშიც დასახელებს. ჯილოდ მას ძიუდოს მსოფლიო ფედერაციის პრეზიდენტმა დანიელ ლასკაუმ გადასცა, სულ მალე მას ფულადი პრემიაც გადაეცემა. წარმატებული წელი იყო **ლევან ნიკლაურისთვისაც**. მან რამდენიმე მნიშვნელოვანი გამარჯვება მოიპოვა საფრანგეთსა და დანიში. 2018-ს საუკეთესო წლად მიიჩნევს დედოფლისწყაროელი მოკრივე ლევან ნიკლაურიც. თუმცა, იქვე იმასაც დასძენს, რომ მისთვის ყველაზე საუკეთესო წელი ჯერ არ დამდგარა. ის კიბოქსინგის კლუბ „ჩემპიონში“ გაიზარდა, თუმცა გადანყვითა ძალები კრივშიც მოსინჯოს. „ყველაზე ფასეული წელი ახლა მქონდა. მართალია, წინა წლებშიც ბევრს მივალნიე, ის გზა რომ არ გამეწოლო და კონკრეტული შედეგები არ მქონოდა, დღემდე ვერ მოვილოდი. მაგრამ, განვლოდ გზას თუ გადავხედავ, ყველაზე წარმატებული 2018 წელი იყო... ახლა ყველაზე წინ ვარ სარეიტინგო ქულების მიხედვით და ყველაზე ახლოს მიზნებთან. სხვა წლებსგან განსხვავებით, წელს კრივმა საკმაოდ დიდი ფინანსური სარგებელიც მომიტანა, რაც ასევე მნიშვნელოვანი იყო ჩემთვის და დამატებითი მოტივაცია მქონდა,“ — ამბობს ლევან ნიკლაური.



**გვილოცავენ!** ძვირფასო დედოფლისწყაროელებო, ჩემო კიბიყელებო, ხალხო მხნე და შეუდრეკელო, გილოცავთ 2019 წლის შემობრძანებას და ბრწყინვალე შობას უფლისას. იყავით ბედნიერები, სხვა და ბარაქა არ მოაკლდეს თქვენს მაღლიან მინას. მე ძალიან ვაფასებ ჩვენს ურთიერთანამშრომლობას — ჩვენი თეატრის ბევრი ცნობილი მომღერალი სტუმრობს თქვენს რაიონს და თქვენი წარმატებული და რჩეული ნომინატებიც ხშირად არიან ჩვენი სტუმრები. ჩვენ ყველა ერთად ბედნიერები ვართ, რომ თქვენმა მხარემ საოპერო ხელოვნებას აჩუქა გენიალური მსოფლიო ბარიტონი ლადო ათანელიძე, რომლის კვალზეც მიდის მისი ვაჟი ილია ათანელიძე. კვლავაც სიცოცხლეს, ჯანმრთელობას და წარმატებებს გისურვებთ. **პატივისცემით, ბადრი მანისშრაძე, თბილისის ზაქარია ფალიაშვილის სახელობის ოპერისა და ბალეტის სახელმწიფო თეატრის სამხატვრო ხელმძღვანელი.**

**ჩვენ ვზრუნავთ მოხმარებლის განწყობაზე!** ასეთი იყო იმ ღონისძიების სლოგანი, რომელიც დედოფლისწყაროს ბაზრის მიმდებარედ, მალაზია „ბეკოს“ რიგში ბოლო ბუტიკის, რომელიც თეთრულისა და ტექსტილის მრავალფეროვანი პროდუქციით ამარაგებს დედოფლისწყაროელებს, დამფუძნებელმა შესთავაზა თავის ერთგულ მომხმარებელს. ია ლაპიაშვილმა წინასახალწლოდ ლატარია შესთავაზა იმ ადამიანებს, რომლებიც მისი მაღაზიის ხშირი სტუმრები არიან. ლატარიის პრინციპი მარტივი იყო — ვინც დეკემბრის თვეში 50 ლარის ღირებულების პროდუქციას შეიძენდა, ლატარიის ბილეთის მფლობელიც გახდებოდა და გათამაშების მონაწილეც. გათამაშება 28 დეკემბერს გაიმართა და სამი ილბლიანი გამოავლინა, რომელთაც საოჯახო ნივთები ხვდათ წილად. ქეთი ყაჭაშვილი, გათამაშების გამარჯვებული: მაღლობა იას, რომ ზრუნავს ჩვენი განწყობის ამაღლებაზე და ახლაც ასეთი მშვენიერი სიურპრიზი მოგვიმზადა წინასახალწლოდ. წარმატებებს ვუსურვებთ მას თავის საქმიანობაში. ქალბატონმა იამ არც სხვა მონაწილეები დატოვა ხელცარიელი-ყველა მათგანს სიმბოლური საჩუქარი გადასცა და დამდეგი შობა-ახალი წელი მიულოცა. როგორც ია ლაპიაშვილმა განაცხადა, უახლოეს მომავალში ის თავის ერთგულ მომხმარებელს კიდევ ბევრ სიურპრიზს შესთავაზებს.

ა მ ი ნ დ ი		დ ე დ ო ფ ლ ი ს წ ყ ა რ ო	
ორშაბათი 31.12 დღე	სამშაბათი 01.01 ღამე	ოთხშაბათი 02.01 დღე	ხუთშაბათი 03.01 ღამე
3°	-1°	3°	0°
პარასკევი 04.01 დღე	შაბათი 05.01 ღამე	კვირა 06.01 დღე	ღამე
6°	3°	5°	-1°

გამომცემელი შპს „შირაქი“  
 დირექტორი ინგა შიოლაშვილი  
 რედაქტორი ნაირა გორაშვილი-პოპიაშვილი  
 წერილში მოყვანილ ფაქტებსა და ციფრებს პასუხს ავებს ავტორი.

სარედაქციო კოლეგია: ილია მარტყოფლიშვილი (ჟურნალისტი); ელზა ხარაშვილი (სტილისტ-მწერელი); ნათია გოსტაშვილი (ბუღალტერი); ნინო ჯანაშვილი (ოფის-მწერელი); მზინა ქანაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).  
 გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „სამშობლოს“ სტამბაში.

REDAȚIIS MSAMRTIA  
 ქალაქი დედოფლისწყარო, ფიროსმანის №18,  
 ტელ. 0 356 22 55-49;  
 598 72-18-72 (დირექტორი)  
 591-97-73-26 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.